



15.november.2017

UKA2017/87

Uunga siunnersuut: Aalisarnej pillugu Inatsisartut inatsisissaattut nr. xx, xx. xxx 2018-imeersoq.

(Aalisarnermut Piniarnermullu Naalakkersuisoq)

Aalisarnej pillugu Inatsisartut inatsisissaattut siunnersuutigineqartumut, Aalisarnermut Piniarnermullu Naalakkersuisumiit saqqummiunneqartumut qamannga pisumik Partii Naleqqamiit qujavugut imatullu oqaaseqarfigissavarput.

Namminersorneq pillugu inatsimmi imatut allaqqasoqarpoq, Inuiaat Kalaallit, Kalaallit Nunaata nunataani imartaanilu pinngortitami pisuussutinut tamanut piginnittuupput. aamma

Aalisarnej pillugu Inatsisartut inatsisaat nr. 18, 31. Oktober 1996-imeersoq, Kapitali 7. § 14. § 6 naapertorlugu kalaallit aalisarnerannut akuersissutinik assigiinngitsunik sisamanik tunniussisoqarsinnaavoq: 2) Pizarreneqarsinnaasut qummut killilerlugit piffissamut killeqanngitsumut akuersissutit. 4) Pizarreneqarsinnaasut qummut killilernagit piffissamut killeqanngitsumut akuersissutit. Inatsisartut piffissaqartitsilluarlutik ilimasaarereernikkut inatsisiliornikkut nr. 2) aamma nr. 4) naapertorlugu piffissamut killeqanngitsumut akuersissutit piffissamut killilimmut akuersissutinngortissinnaavaat.

Tamakku tungavigalugit Partii Naleqqamiit isumaqanngilluinnarpugut tusagassiuutitigut qulaani pineqartuniit taarsiisitsiniarnissamik siorasaarnej tunngavissaqanngitsoq.

Aalisartut inuusuttut naleqartitanillu ilisimannittut kinguleruttut inuusuttunik iliniartitsisussat maligassiuisussallu periarfissinneqartariaqarput

Partii Naleqqamiit anguniakkatta ilagilluinnarpaat inuiaqatigiit pisuussutaat aalisarnermit aallaavillit nunatta inuisalu amerlanerit atugareqqilissagaat aammalu ukiorpassuarni kinguaariaat inuusutissarsiuutigeqqilissagaat.

Aaqqissuusseqqinniarnermi susassaqartut tamaasa peqataatinneqarnissaat pingaaruteqarluinnarpoq, minnerunngitsumillu Knapk-ip immikkoortortaarfii peqataatilluinnartariaqarput.

Partii Naleqqamiit pingaartilluinnarparput nunatta inuisa pisuussutigut aalisarneqarsinnaasut namminneq aningaasarsiutigissagaat tamakkiisumik, kikkummi aningaasarsiutigissagaluaramikkit soorunami nunatta inuisa taanna apeqquuserneqarsinnaanngilaq.

Maannamut aalisarnermut aaqqissuussisimaneq isumaliutigilluagaasimannngilaq, ilaqutariippassuarnut aalisartukkormiunut akisusimavoq oqimaassimaqalunilu, allaallumi ilaqutariippassuarnut aseruisimaqaluni, sulilu maannamut ilaannut atuuttumik.

Inuiaavugut assut immikkuullarissut ikeqalutalu peqqarniissinnaaqisumik avinngarussimaqisumillu nunarujussuallit imartarujussuallit malissuit issersuaq anorersuit sikorsuit iluliarsuit qaqqarsuit apussuaq qoororsuit kuussuillu akiorlugit inuuniarsaraluta, aammali alianaassigaangami alianaattaqisoq nunagalutigu.

Nunarujussuarpullu imartarujussuarpullu pisuussutinik pilissuaq atorluartariaqarparput eqqarsarlualuta sapinngisamik Nunatsinnut inuinnu amerlanerpaanut iluaqutaasumik.

Illoqarfiit nunaqarfiillu ilaasa iluini inuussutissarsiutit ilaat qiviarutsigit qamutit motoorillit aaqqissugaanerit soorlu inuinnaat biilii, taxa, bussit, lastbiilit, il.il. imatut aaqqissugaapput taakku arlaannut ingerlatsisunngorniaranni kisianni aatsaat nakorsamik misissorneqaqqaarluni aammalu angusinertalimmik allagartartaaqqaarluni.

Assersuutigalugu: taxa-neq inuussutissarsiutigilerniaranni kisianni aatsaat nakorsamik misissorneqaqqaarluni aammalu angusinertalimmik misilitseqqaarluni allagartartaaqqaarluni, bussinut sulii piumasaqaatit qaffasinnerullutik il.il.

Takorlooriarsiuk maani Nuummi politikkerit aaliangeraluarpassuk taxat atorunnaarlutik bussit tallimaannaat kisimik atorneqalissasut, taxa-nik inuussutissarsiutilippassuit qanoq eqqugaatigissasut qularutigineqarsinnaanngilluinnarpoq.

Tassa imaatigut 15 meter tikillugu angallatit angissusillit rejer-niarnermik inuussutissarsiutillit nungutaanikuupput ilami ajoraluassusia, aalisartarfiilu atorneerullutik tassami kilisaassuit taakku aalisartarfigisimasaat alisarfigisinnaanngilaat, tamakku atuutsilerseqqinneqartariaqarput.

Imarsiornermi aquttiveqarfiup angallatinut ingerlatsisinnaanermut imaatigut malittarisassai biilernermit allagartartaarniarnermit malittarisassanut assingusut aamma atuupput.

0-meterimiit 9-meterimut, 9-meterimiit 15-meterimut, 15-meterimiit 24-meterimut, 24-meterimiit 45-meterimut, 45-meterimiit qummut, taakkulu tamarmik immikkut ingerlanneqarnissaminnut allagartarqarnissamik piumasaaqatitaqarput, soorlu biilit aamma taamaattut.

Taamaattumik imaatigut inuussutissarsiutit tamakku tunngavigalugit aaqqissuuteqqinneqartariaqarput, tunngaviusumik imaatigut killeqarfiit sakkortunerpaamik atuuteqqinneqartariaqalerput tassa 3 sømil killeqarfik aamma 12 sømil killeqarfik angallatit angissusaat aallaavigalugit aaqqissuusseqqinneq, minnerunngitsumillu pijujuaannartitsinissaq aamma eqqarsaatigalugu aammami inuk taamatut inuutissarsiutilik pijujuaannarniassammat nungutaanani soorlu taxa-tartoq aamma illersugaasoq.

Kilisaassuillu 100 meterit missaat tikillugit angissusillit, sermersuaq kangerluillu qinnuinut pulaniarsarinerat isumaqataaffiginngilluinnarparput aamma pijujuaannartitsinissat uumassuilinnik eqqarsaatigalugu aamma inuk tassani aalisartoq pijujuaannarniassammat.

Aalisarnermullu Inatsisissatut siunnersuut tigulaariffigalugu isummersuutitsinnik Partii Naleqqamiit apuussaqaalaassaagut.

Taamatut oqaaseqarluta aalisarnermut piniarnermut ataatsimiitsitaliamut aappassaaniinnginnerani innersuupparput ataatsimiitsitaliamilu ilaasortat sulilluarnissaannik kissaallugit.

Qujanaq

Henrik Fleischer